

LOEU E BARDJE ON MAREYÂDZÔ IMPOUESIBLÔ

Parsonâdzô

Madama Loupous
 Madama De la Verduze
 Prezidan de la kouemouena
 Lô margueye
 Lili
 Geneviève
 Liza
 Jerome

U lèvé du redio son chète : margueye, Lili, Geneviève, Liza, Jerome

Geneviève : Dioe sâ tyintoeu pôtré lè tye vegnon nô firè la louè per intye. (on n'avoui dè bri, Jerome fi segnô de la thoure. Intrè lô prezidan. Sè tirè d'on bie è fi soegnô i dâvouè damè de pasé. Li fi chète. - Kan lô prèsidan intrè sè laivon tyoe.)

Prezidan : Bravè sitôyénè è sitoyein, vo prèzintô Madama Loupous, chèfeténa dè la dzou avoui tôte li bitie tye yè dedin è utôr. E Madama De la Verduze chèfeténa de tô sô tye lè ver. Hlè dâvouè brâvè damè d'enju lô kôrâdzô d'aprintrè lô patouè pô vèni diskuté avoui nô. De méreton aplaudisèmin. (Taknon di man). Pouai enkô mioeu tyè tô sin, d'an ju la bona vòlonto dè sè déplache, di Berna è di Dzènèva, pô veni nô z'insègne n'a mase dè tzouzè tye n'in petitrè manka da savai, on sâ jamin. Mi brâvè damè du fond du tyoeu è u nom dè tô l'Inrèmont di Martegne a St-Bernâ vò deyô pâ marsi, mi on tombèro dè marsi (taknon di man).

Loupous : kan noe sin arouevi à Lede vouai matin l'on sono li thôtzè. Noe nô sin démando tye sè pasâvè ?...

Prezidan : Yè joestamin lô marguye intie, va vò rensègne de bon tyoeu.

Margueye : Yé pâ sono li thôtzè. Yé sono la gran thôtze.. E lé sono pôr vò mi brâvè damè. (taknon di man) Sono la gran thôtzè tiè pô li grosè sirkonstansè : kan yè d'insandeyè, d'inondachon, pouai kan vin dè gro parsônâdzô min vò.. E têt'âtrè kalamité.

Prezidan : Sin pédrè tin noe vin baye la parôla a Madama Loupous, spésialiste di fauvè. Noe vò z'atyoeutin.

- Loupous : Mouesioe è Damè, mètè vò bien din la tita tye sai pâ vègnoua sedatè pò vò z'inmardé, mi pò vò aidie. Voue sâde tye li loeu son tò prôtzô de tche nô : in France è in n'Italeyè. Dè n'a vouerba a l'âtra, petitrè bien pie vistô tyon sè muzè, van arouevé sedatè, yè pâ dè dotanse. Adon nô fau mètrè in plase dè moyein pôr avai lô min dè dèga pouesiblô. Yatindô vouetri keston ?
- Lili : Madama Loupous ! Min voue poeudè savai tye li loeu van arouevé kratye sedatè. On pôrai krirè tye voué dza kouemandô lô vagon. U bin adon tye vouitè n'a sôrchere ? Voue sâdè l'avèni ? Mi sin lè dza min chuire.
- Geneviève : Madama Loupous ! Li dzin sedatè son pâ pie mardoeu tyè a Berna u a Dzènèva. Voue fidè pâ krirè a gnon tye li loeu dè fari è stoeu du Simplon l'en fi dou u trai thein tyilômètrè sin lache su lou pasâdzô dè moeuton u d'âtrè bitiè égôrdje ? Lè n'a proeuvà tye son pâ venu a pia.
- Loupous : Impouesiblô lè pâ, mi yô yé pâ kôgnesanthe dè sin. Fau demandé a Madama De la Verduze se de sâ kâtiè badiè ?
- Prezidan : N'in la chance d'avai prèmiè nô, Madama De la Verduze. D'a dza fi n'a mase dè konfèrensè su li bonè bitiè è li kroyè dzin. De sâ n'a mase dè tzouzè : de sâ se bien yau li dzenedè de van peche tye yau li mautzè è li rénâ van katyé. Madama De la Verduze noe prètin l'ôrede !
- Verduze : Mouesioe è Damè, vò prèyô dè m'èskouezé. Vouai sai pâ in bona fôrma. Sai ju maufôtyoi. D'abô apri tye sai arouevaye sedatè, yé sondja i trai pourô loeu, tye l'avan paso lô tzâtin 95 (nonanta thai) din si bio paï... Vò deyô tye lô tyoeu mè ba pâmi. Sai sarâye dè n'a mouda... Se pousô savai yau hloeû trai pourô loeu l'an paso, sin mè farai tan dè bin ! (lô prezidan l'ècri)
- Liza : Voue detè trai loeu ? Yin n'èrè dou dè loeu pâ trai min voue detè !
- Verduze : Vò deyô tye yin n'èrè trai, pâ dou... Lô sé dè chuire... Pouai lô prôvé se fau !
- Prezidan : Madama Loupous, Voué avoui li parôlè dè Madame De la Verduze ? Yèrè trai loeu, è de lô sâ dè chuire. U poin dè lô prôvé se fau. Sikou noe sin dè chuire asoebin, tye li loeu son pâ vènu sôlè, son aito aidia. La frâza dè ékrite u prôtôkôle. Vò demandô a tyoe dè la segne. (Va firè segne a Loupous). Madama Loupous, vò fizô l'ônou dè pôzé vouetra segnatoera in prèmiè.
- Loupous : Yé pâ manka dè segne, n'in tyoe avoui sô tye d'â de Madama De la Verduze.
- Prezidan : Din lô tin, avoui la parôla baya l'èrè martcha fi. Tôrnâvon pâ in darai. Mi vòra li mentalité d'en tchandja : ce qui n'est pas écrit c'est du vent. Adon Madama Loupous, voilà pâ mè rèfouezé dè segne sô tye voué avoui. (avoui ézitachon de segnè) Marsi Madama. (vegnon tyoe segne

su la tâbla) Madama De la Verduze, èskouezâ me, yaré dyu vô firè segne in prèmiè hla bèla frâza tye voue nô zé de. Mi min vouitè pâ tan bien, nè sai de : mè fau la lache rèpôzé on bôkon.

Verduze : Yô yé pâ manka dè segne. Dè sô tye vô zé de mè dédeyô pâ.

Prezidan : Madama, sé proeu tye pouai konté su vouetra parôla. Mi la segnatoeura d'on parsônâdzô de vouetra tade, sarai pôr mè on sôvèni inkomparâblô. On sovèni tye pôrtèrai a la tomba, è tye sôbrèrè din li z'archivè tan tya la fin du mondô.

Verduze : (sè laivè è va segne) Vôra tye yé segna, yanmèré bien tye kâkon me deyesè yo l'an paso hloeu trai pourô loeu ? Sin mè rè mètrai lô tyoeu in plase... Saupli, tan saupli, detè mè kâtiè badiè.

Liza : Pô vô sôladje, Madama, vouai proeu vô derè. Bin chuire tye pouai pâ lô prôvé, mi pôr mè, hloeu trai loeu son partai min l'éron vènu, sin firè dè bri. Yô me muzô tye hloeu trai loeu l'éron pie malin tyè stoeu du Simplon. L'an chu sè voueté dévan tye san paso avoui la pâla a nei.

Prezidan intye. : Vôra n'in proeu fi on mouè dè lumière su li trai loeu tye l'éron per Mi lè pâ pôr sin tye nô fau ublé li thein vein (120) moeuton égôrdja din nontrô paï. N'in proeu fi tô sô tye nin pôchu pô prôtédje li moeuton. Enkô li garde chase tye son venu nô z'aidje. E dè kâtiè minute, du min tye son alo bairè nâ tasa dè té, yè ju on trôpo dè moeuton égôrdja. Hloeu pourô payezan l'éron in n'ârme dzôr è ni ! Firè li fin, veye li moeuton, tréné bâ di in thon li mon li kadâvre pô li mené bâ a Martegne. Vô deyô frantzemin l'éron mindrô tyè d'ésklâve. Mi dè la via d'infè tye l'avan li fayèrou, gnon n'in prèdzè, mimamin li z'ékôlo s'in fôton pâ mau. Pè kontrè yère tyoe li dzô d'artikle din li journau pô derè min fazan soefri li loeu din l'Intrèmont. Sin mè fi sondje a on artikle tye l'ai paru din li journau in 1934 (mele noeu sein trintè katrô). Cet article disait :

"Vers la fin de ce siècle, le 80 % des gens seront fous. A ce moment-là, l'auteur de cet article a été traité de fou. Mais aujourd'hui, cela ce justifie. Et ceux qui ne sont pas fous, ont une vie de fous."

Loupous : Sai ubledja dè vô derè tye yé aprai bien dè tzouzè tye savé pâ. E sin mè badè a réflèchi. Lè vèré tye voué ju dè gro déga avoui li loeu. Lè pâ chuire, mi lè pâ impouesiblô tye tornesè dè loeu per intie. Yô yé étudèya li loeu. Vé vô z'éspleké min fau sè prôtédje : la première tzouza fau pâ avai pouaire di loeu, s'atakon pâ a l'ômô. Lè pâ d'asasin, medzon li moeuton tyè kan l'an fan. Fau d'abô on bardje avoui on tzin spécial : le patou di piréné. Fi vouetanta sentimétré u garô. Si tzin lâsé pâ aprôtche li moeuton a gnon. Pô bien firè, fau kô mètrè on n'ânô avoui lô trôpo, L'ânô l'a li z'orèdè tye de yi sarvon d'anténè. Parsai dza lô loeu a trai thein mètrè. Adon sè mè a brâmé è li loeu l'uzon pâ aprôtche. Dinsè li moeuton è li loeu poeuvon vivrè in bon vezin. Pouai li tchisé pouebleké de pâyon li déga. E se yé tra dè dèga, noe târnin vouté li loeu pô li mené atrapâ. Vôra se voué dè

kestion a pozé voue poeudè lô firè. Jênâ vô pâ, yô sai n'a bona mama pô li loeu... è pôr vô asoebin.

- Prezidan : Madama Loupous voue me fidè plaizi. Churtô avoui l'avan daraire frâza : Se li loeu fan tra dè déga noe li tornin voueté pô li mené atrapâ. Sin voue derè bien dè tzouzè, par ézimplô : tye li loeu son aito ameno tô kouemin li loeu sarvai è li sarpin.
- Jerome : sai d'akô kan voue deté tye fau pâ avai pouaire di loeu. Nontri anthian yè thein thin kant'an (150), l'an pâ ju pouaire di loeu tye yi medje li moeuton è li tchurè. Pouai yè asoebin dè dzin tye l'an fouernai lou via din la dyoeula di loeu. Dayeu lè pâ pô rin tye sin son débaracha. Fau derè tye l'avan pie aija tyè nô pô s'in défirè. L'avan pâ dè taberlô è dè mie fou pô li z'impatche. U kontrérô, si tye tyâvè on loeu l'ére pôrto in triomfe din lô velâdzô. E ônôro pè li z'autôrité avoui n'a prima, u yoi dè n'inminda dè karanta mele fran (40'000) è on n'an dè praizon. E nô n'in n'ein pâ pouaire non ploe di loeu. Tie n'in pouaire lè dè hloeu tye sè deyon amouereu di loeu. Se sin sai vèré, li mètrin din lou kouerti pâ din nontri trôpo.
- Geneviève : Madama Loupous, vô z'é bien atyoeutâye. Voue m'é fi l'imprèchon d'avai fi vouetri étudè utôr d'on loeu impaya. Voue nô z'é de tye li loeu s'atakâvon pâ a l'ômô. Vé vô baye l'aproeuva du kontrérô. Vé vô yerè on artikle du nouveliste dè l'oevè mele noe thein noenantè sai - sa (1996-97) :
- "Une horde de loups a attaqué cinq personnes au Kazakhstan ! Une des victimes souffre d'une morsure au nez, une autre s'est fait arracher un oeil, tandis que deux autres personnes ont subi des blessures assez graves. L'événement a eu lieu dans les environs d'Atyraou, une ville de 145'000 habitants au nord-ouest de ce pays d'Asie centrale, a rapporté le journal karavan Blitz qui ne donne pas d'autres détails. Les populations de loups sont en augmentation un peu partout en Eurasie, cet hiver. De l'Estonie au Kasakhstan, ce qui entraîné des pertes importantes pour le cheptel. Au Kasakhstan, on offre 3'000'000 de tange, soit 50'000.—francs de primes a toute équipe de chasseurs prêts à faire des battues. Une région de l'est du pays offre 90.- francs par tête. Les loups prolifèrent depuis la fin de l'union soviétique. Concrètement depuis que le gouvernement kazakh ne paie plus de prime pour la chasse au loup. Leur population atteindrait 60'000 individus selon l'institut de zéologie d'Almaty, la capitale du pays. "
- a Madama Loupous, dè hlè parsonè du Kazakhstan tye son ju défidyuri pè li loeu yè pâ gran tin, voué chuiremin ublo vòlontéramin d'in prèdje. On sâ proeu tye pôr vô on jouai foura è lô nâ rebeya, lè rin in vè la vôlo dè plon tye lâ rêchu lô loeu dè Viège. Tô kouemin lô karnâdzô du Gévaudan, voue vô vèye dè pâ n'in prèdje. Yé ju paso 100 parsonè égôrdje u dévori, di lô prèmiè juiyè 1764 u dôze juin 1767 !
- Loupous : U Gévaudin, on sâ pâ sô tye sè paso. Yè rin d'ékri, lè tyè dè de è de rède.

- Geneviève : Rien d'écrit ! Est-ce le mensonge ou l'ignorance qui parle. Toue est écrit a double dans les archives départementales de l'Hérault, du Puy-de-Drôme et de la Lozère, ainsi que dans les paroisses. Sont inscrits la date, le nom et l'âge des victimes. La première victime, le 1^{er} juillet 1764, Jeanne Boulet, 14 ans. La dernière, le 12 juin 1767, Catherine Chautard, 9 ans. Entre ces deux dates, il y a plus de 100 victimes. 38 garçons en-dessous de 16 ans, 47 filles en-dessous de 20 ans, 15 femmes de 25 à 68 ans, plus quelques enfants en bas âge qui furent enlevés tout près de leur maison. Apri tō si karnadzō v'oeuzā enkō derē tye lô loeu s'atakē pā a l'ômō.
- Loupous : On poeu pā komparé, li loeu dē vōra son kanmimō bien aprivija.
- Liza : Adon Madama Loupous, voue fari bien d'alé a l'ékoula avoui li loeu. Sin vō farai bien dē bin.
- Lili : Saupli Madama Loupous, fiedē vō pā prindrē pō pie bitie tye vouitē.
- Jerome : Sarai damādzō voué lô pā tra kroye fason !
- Geneviève : Kan l'an fi lô film in fari dēvanzantan, din li journo on dzō dezan tye l'érē dē loeu krouaija avoui dē bardje aleman. On n'âtrō dzō, l'érē dē loeu aprivija. Lô dzō chuivin, l'érē dē loeu drethia. On dzo, avoui n'a vezena noe sin ali innā a la valé ésprē pō vè li loeu. Arouevi su plase, n'in dēmandō u prēmīē tye n'in yu se pouai nō drē yau lè tyon n'arai pōchu vè li loeu. Nō z'a rēpondu : "Vous tombez bien, c'est moi le patron des loups. Ils sont là dans cette fourgonnette." L'a uvē la petiouda fenitra è n'in yu trai loeu ardztintō. Noe yin dēmandō se l'éron pā krouaija. Nō z'a de : "Ils ne sont pas croisés, c'est des loups argentés du Canada." Nō yin de : "Ils sont apprivoisés ?" Rēponsa : "Le loup ne s'apprivoise pas. Le loup change de poils mais il ne change pas de vice. J'ai 6 loups, nous sommes 3 associés, mais je suis le seul à pouvoir les toucher." Noe yin dēmando se hloeu loeu pouan soeutē kontrē a kâkon. Nō z'a rēpondu : "C'est déjà arrivé ! Alors il faut vite le serrer très fort à la nuque. Parfois il se retourne contre vous." Pouai nō z'a motro li sikatrisē tye l'ai u kou. Nō z'a enkō de : "On peut travailler avec ces loups seulement jusqu'à 1 an et 2 ans au maximum, après on ne peut plus les commander, c'est trop dangereux." Noe yin de : "Que faites-vous de ces loups dangereux ?" Rēponsa : "En général c'est des écolos qui viennent les chercher."
- demi,
- Lili : Madama Loupous, voue nō zé de tye fadivē on bardje, yē vouerba tye noe mētīn li moeuton a la montagne sin bardje. Noe vin li vè on gnōdzō u dou pē senāna, yi baye la sau, pouai va tō bien. Voue sādē vouirō kotē on bardje ?...Tyinzē mele fran pō lô min. Adon noe pouin lache alé li moeuton. Nō sōbrèrē pāmi tye n'a sōleochon : Nō z'ingadje avoui vō pō sōgne li loeu avoui li moeuton di z'âtrō. Voué fi n'a mase d'étudē Madama, voeudrē vō dēmandē kâtiē badiē in foura di loeu. Yanmèrē bien savai kan on n'ômō lè fou ?

- Loupous : Lè tô simplô : on ômô lè fou kan l'a perdu la raizon.
- Liza : Voue vô trompâ Madama. Lô fou pè pâ la raizon, u kontrérô :
 vènu : kontoenoevè dè raizoné. E raizône joestô, mi partè dè n'a bâza fausa. Yérè on fou tye l'ai tôdelon a firè avoui li loeu. Dezai : on loeu mè
 su. Yé planto la kana din la dyoeula. Lé apeya pè n'ôrède è yé bouro
 la kana a tôte forsè tantyè kan de yè sôrtaitè dézô la kavoua. Adon yé
 apeya lô loeu pè la kavoua avoui n'a man. Avoui l'âtra di man, yé
 kan loe : impouegna la pointe dè la kana, è yé treya a tôte forse tantyè
 loeu lè ju rêvarso. Adon l'a pâmi pôchu mouédrè, li matchuirè d'éron
 rinvardi, li din sè rinkontrâvon pâmi. E vô, Madama, pô la prôtèchon di
 moeuton, voue fidè fran parai min lô fou. Voue raizônâ tô joestô, in
 partin dè na bâza tôta fausa. Voue vôlai amené li loeu pôr égordje li
 moeuton, li patou di Piréné pôr égordje li loeu. E l'ânô tye plafônè tô,
 in fazin dè broetè menè, è fôtrè dè monstrè brâmi. Li moeuton, li loeu,
 li patou di Piréné, saran tyoe éparpeya. Sôbrèrè pâmi tye l'ânô pô
 dirije la planèta.
- Lili : L'érè petittrè pâ pie mau ?
- Margueye : Madama Loupous, voue detè tye li loeu l'égordzon li moeuton tyè kan
 l'an fan, è chouèzon li moeujton maladô. N'in la proeuva du kontrérô,
 in Fari, l'égordjevon na diezèna dè moeuton pè ni, a bilarai. Parzan pâ
 lou tin a chouèzi li maladô. Na bona proeuva tye lè pâ pô la fan, mi pô
 lô plaizi dè tyoé. Sin fi joestô on n'an, tye on tipe dè vouetra
 katégoreyè m'a de : din dè paï pie pourô tye la Suisse, la koabitachon
 intrè li loeu è lô bètail dzoeyè fran bien. Yé vistô demando dè mè baye
 l'adrèse dè hloeu paï. M'a rèpondu : yé pâmi lô non dè hloeu paï in
 tita. Mi vô mandô l'adrèse dèman, pè la posta, sin fauta. Yé pâ tâno
 rèsaivrè dè nôvalè. Vô Madama Loupous, voue kôgnetrai proeu
 hloeu : paï, yau liloeu è li moeuton vivon in frèrè, avoui li z'étudè tye voué fi ?
- Loupous : E bin... na... yin n'é pâ kôgnesanthe. Yô yé fi li z'étudè u merkantour.
- Margueye : Aâ ...u Merkantour ? Adon voue sâdè chuiremin tye kan li loeu son
 arouevo u Merkantour in 1992, la tzambra dè l'agrikulture dè Nice, è li
 fayèrou, l'éron d'avi tye li loeu l'éron pâ arouevo a pia. Voue sâdè
 asoebin tye a Nice, lô 29 dè sètembre 1997, li fayèrou l'an défelo avoui
 2000 moeuton, tzefrô tye rèprèzinte li moeuton égordja di 1992. Si
 dzô lé, l'an de tye yérè tyon moyin dè régulachon. Fativè abatrè li
 loeu, è li loeu sarvai (linx). Portan li Fransé l'avan mètu in prateka tôte
 li protèchon tye voue vèni nô z'insègne, voue vaidè lô résulta. Yespérô
 tye voue sarai pâ proeu krétyâna pô pâ vô rindrè kontô dè la difèrinthe
 tye yè intrè vouetra téoreyè è la réalité. Madama Loupous, mètè vô
 bien din la tita, tye la koabitachon intrè li loeu è li bardje dè jamin
 aitâye, è de sarai jamin pouesibla in gnoena pâ. In n'Italeyè, yo
 deyon : tye vin tan dè touriste a kauza di loeu, li trôpo son désimo. Di mele
 noeu thein satante trai (1973), l'an tyau paso trai thein loeu (300). Mi
 pôr tô sin, kontoenoevon a sè prôpadje min la kroye grâna. Fau pâ
 ublé tye li loeuvè de mèton bâ, dè vintri dè katrô a katorzè petiou per
 an.

- Loupous : Fau pâ vô baye via. Li déga di loeu saran paya pè li tyisè poueblekè.
- Lili : Li tyisè poueblekè ? D'an d'abô paya li tyisè, de son plénè dè vouido. Enfin, vòra prèdzon dè bâche la pâye i fonchonérô. Payèran petittrè avoui si ardzin ? Tye vouin dete ?
- Loupous : N'in pâ tan dè grosè pâye. Nô fau proeu tô sin pô vivrè. Se nô bâson la pâye, noe pouin alé a la tzârdze dè l'éta.
- Liza : Fau pâ vô firè pouaire, voué pâ on gro sâ a firè.
- Lili : Vouè Madama Loupous ?... Kan prèdzon dè gatoeye voutrô porta moueneya... voue tchandje dè diskô. Pôr on petiou dou pôr thein (2%), lè la révoloechon. Pôr vô, tô drai tye voue si bien paya, è li loeu pâ dérindja, pô li z'âtrô voue vô zin fôtè pâ mau. Se voue tènì bon avoui lileu, i fayèrou voue yi bâche pâ lô dou pôr thein (2%), mi lô noenantè-voue pôr thein (98 %) dè la pâye. Adon li loeu l'aran pâmi moeuton a égordje. Mi min son proeu malin, l'éran takôné a vouetra porta.
- Liza : Adon, sarè pô lô kou tye li pourô loeu tornon sorti min li ratè di tche l'abé, avoui li lârmè i jouai.
- Loupous : Madama De la Verduze, kontô tye noe vôlin alé, n'in tô de sô tye n'avin a derè. (de sè laivè).
- Prèzidan : Na na !...Madama, fau pâ parti dinsè, n'in kô na mase dè tzouzè a vô derè. Noe nô vaiyin pâ tyoe li dzô, pôr on gnâdzô tye vouitè intye, fau vouedje lô sa. (de sè chète).
- Jerome : Madama Loupous, voué étudèya li loeu su lô papai. E nô nin n'in fi l'espérianse su la montagne. Nô z'an égordja thein vin moeuton (120). Sai chuire tye malgré vouetri z'étudè, voue vô rindè pâ kontô de sô tye vouetri loeu nô z'an kôtô : "Moralement, physiquement et financièrement". Nô z'a fadu firè vèni dye yâdzô l'élíkoptè pô tzarèye li kadâvre, di in thon li mon, tan tyè a pôr dè rôta. N'in fi tchinzè yâdzô a Martegne, mené li moeuton égordja a l'insinérachon. Vô fidè vô n'idé du tin tye n'in pardu, è sô tye sin nô z'a koto : L'élíkoptè, la kamionèta, la tâsa d'insinérachon, è thein vin (120) moeuton égordja. E stoeu tye l'an étzapo u loeu, l'an soefè dè na pouaire taribla. Li mârè d'an fôtu bâ lô lathi, li z'agni l'an ju la kruva kôpâye. U yoi dè pézé, dè 35 a 40 tchilo, son pâ arouevo a la mètia. E n'avin pâmi ni dzôr ni ni a nô. La mètia di fin nô son sôbro a firè. D'oèvè, nô za fadu asté lô fin. N'érin de vèretâblô z'ésklâve : tayâblo è korvéâblo a marsi. Mi dâvouè brâvè damè lè adon tye voiri dyu vèni étudèye li loeu. Se tornè dè loeu per intye min voue detè, noe vô mètin a dispôzechon lô rèdje tye n'in a la montagne pô vèye li moeuton è li loeu. Sarai on tô bon moyin pô renforthie vouetrô savai, è rèfrétche li sarvalè. Sai chuire tye sin farai gran bin dè vivrè din la réalité è la prateka.
- vô

- Loupous : Yô vindré proeu, mi sôlèta innâ pè la montagne, yaré dè péna. Sai pâ tan solida.
- Geneviève : Madama Loupous, voue sari pâ sôlèta, avoui l'ânô è lô patou di Piréné, voue fari on trio formidâblô.
- Liza : Sin sarai lô trio idéal pô sè débarache di loeu.
- Lili : Yé tôte ju avoui dere tye l'érière pie aija d'inthègne m'in fau firè, tyè dè sè kôrbé. Churtô kan on n'a fi d'étudè.
- Prèzedan : Lè damâdzô tye Madama De la Verdure dè ju maufôtyoi, d'a pâ pôchu nô motré son savai. Mi noe sin kanmimô arouevo a la fin dè na diskuchon, mi pâ a la fin du loeu. Fau bien derè tye lè pâ tan aija a détzeffré li loeu ? Yè dâvoue katégoreyè dè loeu. Li prèmiè : li loeu ardinto, de : li loeu dè l'ardzin. Li sekon : li loeu di moeuton. Mimamin tye yè pâ dè parinto intrè glè dâvouè rathè. L'impatzè pâ tye l'an lô mimô pouin dè yuva. Nô roudzon nô, è li moeuton. Li savan nô deyon proeu tye li loeu s'atakon pâ a l'ômô, medzon proeu li moeuton li zon apri li z'âtrô, mi tyè kan l'an fan. Nin kanmimô dè bonè raizon dè nô maufié di zon è di z'âtrô.
- Geneviève : Atinchon ! Atinchon Moesioe lô Prèzidan. Yè asoebin dâvouè katégoreyè dè savan : yè d'abô li gran savan du tin paso, kouemin stoeu dè vouai lô dzô tye deyon : Mi on n'in sâ, mi on sè débetè tyon sâ rin. Pouai yè stoeu tye sè muzon tye sâvon tô. Adon tye sâvon gnoenè badje. Sâvon pâ selamin tye l'an pâ na mire dè bon sense, lè tô derè ! Mi son tchulôto, l'an pâ ni jéna ni vargôgne. Vegnon nô firè dè kontè foulè su li loeu, tye voeulon fran amené per intche. Mi adon din lô kouerti di z'âtrô, è churtô pâ din lô lou. On poeu sè pozé dè kestion : Dè kau fau-te sè débarache in prèmiè ? Vô lô démandô ?
- Prèzidan : Sin lè on gro problémô. Di zon, lè chuire tye fau sin débarache. Di z'âtrô, ma fai, on poeu kanmimô pâ s'in débarache sin li sôgne.
- Lili : Sarè proeu péna pardyoua dè li sôgne, son inkurâblô.
- Prèzidan : Pô bien fouerni nontra dzôrniva, vô invitô a alé partadje on virô tyoe inthinblô. Prèdzô pâ dè sè soulè, mi on virô dè bon vin sin tzandzè li z'idé, dè kou, din li dou sense.

Redio

Darbellay Auguste, le 28 février 1999.